

欽定剿平三省邪匪方略

欽定剿平三省邪匪方略正編卷一百八十三

庚申年

六月初二日

癸丑

額勒登保奏言

臣

前督兵痛剿

伍金柱股匪及殲斃逆首龐洪勝後當卽令扎

克塔爾楊遇春穆克登布等帶兵乘勝先行趕

剿

臣

恐該匪等被剿回竄復親督官兵由火鑱

埦西龍王溝迎風壩而進以備賊匪折入東面

迎頭截擊途次接扎克塔爾楊遇春等來信伍

金柱股匪知前後俱有官兵從昌平五郎關四  
畝地太白廟向西北之袁家莊一帶奔逸我兵  
趕追沿途斬戮一百餘名逃出被裹民人甚多  
詢知該匪情急現從板房子竄入南山老林或  
由太白山翻秦嶺亦未可定其袁家莊以外實  
係深山密箐約有數百餘里處處偏巖陡坎其  
中居民寥寥我兵已缺糧數日若再緊躡追剿

不惟糧石難以運供轉慮墮賊抄截之計且探  
揚開甲張添倫等股匪已從秧田壩竄入茅坪  
有奔華陽之勢適據王文雄呈報十一日未刻  
揚開甲等股賊匪由三岔巷一路突撲土門關  
該提督率領將備等追擊賊匪敗奔三岔巷溝  
內官弁兵勇奮擊斃賊二百三十餘名拿獲賊  
日陳國順一名活賊十四名悉行正法被脅民

人散出者一百餘名均經省釋奪獲騾馬器械亦多十二日賊匪又在黛羊灘晒淺過河王文雄率領官兵截剿把總王培璉隨帶鎗手並攜礮位至河干轟擊率同續進之兵直追至涼沁河一帶共斃賊一百餘名該匪等已由秧田壩逃竄等語

臣

一面飭知王文雄於相近茅坪之

槐樹關等處上緊攔逼不令賊匪再行折向洋

縣城固平衍之地其扎克塔爾楊馮春穆克登  
布所帶之兵距茅坪二百餘里卽飭令先向茅

坪剿辦楊開甲等股之賊

臣

亦卽趨行督率辦

理無如連日大雨不止山水齊下河流頓長數

丈水勢猛急萬難前進茲於二十四日水勢稍

平

臣

卽督兵過河一面催糧一面飛傳各路趕

緊進剿又據署紫陽令張占稟報賊匪龍紹周

等由四川太平縣之金竹山竄入西鄉之鹿池  
壩大黃溪並紫陽之麻柳壩烟墩垵等處查此  
時漢江北岸附近已無賊匪江水甚深石泉至  
安康一帶船隻已令地方官嚴查毋許停泊該  
匪萬難偷渡額勒亨額本在江岸防堵臣已知  
照該副都統帶兵晝夜嚴密堵截並札飭溫承  
惠等相機協同剿辦又甘肅藩司廣厚稟報高

二馬五股匪折竄甘境邊界節經該司率領兵  
勇在銅版溝西蘭鄉等處迎擊屢有斬獲惟外  
委徐士伏姚鳳陣亡兵勇衝入賊隊殺賊亦間  
有傷亡並接勒保知會該匪等在川被剿情急  
恐折竄甘省已派阿哈保百祥等帶兵五千餘  
名與廣厚夾擊臣接信後又咨明長麟札飭甘  
省附近各州縣加意嚴備至戴家營等股賊匪



現竄棧道之草涼等處已經台布派令索費  
英阿帶兵跟追又經長麟派副都統和興額帶  
兵前往是否可以截回尙未得信目下湯開甲  
等股之賊臣分督官兵緊剿亦難保其必不竄  
出棧道若能仰仗

天威卽時剿盡固屬甚善否則與其逼令潛入甘境  
莫若逼歸川北我兵剿辦猶易爲力

同日德楞奏言臣前於梁山縣之楊店舖追

剿白號張子聰廣向瑤等餘匪因其勢已窮蹙

正可掃滅遂不帶鍋帳祇選馬步兵勇三千名

竭力窮追日行百六七十里不等該匪等總在

梁山達州新寧大山一帶晝夜狂奔初十日追

至達州檀木場該匪等卽由小涼風坵石橋舖

一帶奔避適總兵李紹祖副將倭星額等帶兵

追剿劉朝選湯士蛟等餘賊行至高橋聞張子  
聰等逆竄近卽帶兵馳往石橋舖督兵截剿殺  
賊五六十名生擒孔文昭等三十一名賊遂旁

向黃泥壩蒲包山狂奔十三日臣帶兵追至逆

州風洞子該逆被追愈緊奔竄愈速走過大石  
橋卽將橋梁拆毀直奔觀音山七里峽追我兵  
卽時搭橋過河另覓便道由永興場抄截賊前

該逆遂又折向高坪復經官兵追上該逆將騾馬米糧衣物全行丟棄奔上大涼風坵被我兵追殺二百餘名生擒閔昌德等八十五名訊據獲犯楊天富等供稱現在賊匪除沿途剿殺外只剩餘匪四五百人大家畏懼商量要與別股合夥或往老山內暫時逃生等語臣仍卽緊跟由黃蓮坪至東鄉南壩追及賊匪紛紛撲河淹

死者數十人生擒趙仕朝等十八名餘匪三四百人竟奔豐城宋家坪向太平一帶遁去獲犯隨時分別辦理又據通江巴州稟報樊人傑苟文明鮮大川等股匪在各境內焚擄攻圍洞寨勢甚鴟張稟請速往剿辦又據太平縣稟報龍紹周唐大信兩股賊匪屯於蒿壩皮貨舖一帶人數較多亦無官兵跟剿

臣

查張子聰等現又

竄赴川北川東祇有徐萬富趙麻花並劉朝選  
湯士蛟兩股賊匪每股不過一千餘人當令總  
兵李紹祖副將託雲泰俊星額帶兵勇四千餘  
名前往剿辦其川北通巴之樊人傑苟文明鮮  
大川龍紹周唐大信王士虎齊國謨張子聰冉  
添士並阮正滢餘黨計共十股賊勢較重況距  
陝省邊界並嘉陵江岸甚近恐其蔓延他處

臣

卽督兵取道羅江口前赴通巴茲於十九日行至巴州方山坪地方據太平縣文武稟報龍唐

二逆聞

臣

兵至卽改換紅旗扮作官兵分走陝

省西鄉邊界一帶等語

臣

當卽飛行知會王文

雄額勒亨額於邊界嚴行堵截並移咨長麟台

布飭令沿江文武員弁小心防範

臣

一面趕緊

前進察看何股緊要卽先剿何股總期以次肅

清再查前次具奏川省賊匪共九股劉朝選湯士蛟卽在其內隨又竄來樊人傑王士虎阮正澁餘黨三股是以共有十二股內惟龍唐二逆各有四五千入冉添元餘黨冉添士尙有三四千人其餘各股只一二千人不等俱係臣等各路剿散餘匪不過以奔避爲苟延殘喘之計如前有官兵阻截不難以次掃滅再嘉陵江一帶



經勒保派委文員分段防守又派副將王承勳  
在沿河往來稽查勒保前派赴川東協剿之副  
將趙得功帶兵勇二千名臣恐沿河一帶無兵  
飭令該副將在保寧順慶等處暫往偵探沿河  
賊蹤隨時截剿江防可無疎虞

同日台布奏言臣因現在陝省各股賊匪戴家  
營賊數已止千數百人從前布置卡隘不便因

此掣動訊據獲犯供有各思逃生惟恐單身行走又被官兵鄉勇縛獻是以遲疑之語正當趁此鼓勵兵勇併力剿洗一面設法解散隨多寫簡明告示分遣鄉勇從留壩之江口起無論大路小徑遍行張貼凡有賊營投出之人不論是否被裹概免訊究准各就近赴地方官衙門及駐防營盤領票回籍連日以來赴

臣營投首及

卡勇引送者已有四百餘人俱經分別遠近賫  
遣至賊衆由黑河折回欲出馬義溝經總兵索  
賈英阿帶兵緊躡由李家灣抄往椒兩攔住入  
甘要路總兵扎勒杭阿仍在畧陽沔縣探蹤迎  
擊該縣監生宋勤謝大成等亦帶領鄉勇隨同  
知縣馬允剛分投防堵惟洋縣一帶楊張等逆  
前被王文雄擊退不能偷渡分屯邵家溝陳家

河一帶四出滋擾據王文雄札稱日來賊匪或  
二三百人或五六百人出沒焚掠忽又有二二三  
千人衝突東南槐樹關及青石梁等山隘而西  
南茅坪八里關等處據報又有一二千人除分  
別扼卡攔堵外王文雄自帶兵勇數百名奔馳  
救援及至趕到該處賊匪業已退伏並無影響  
自十七日起至二十日止如此往返已經四日

等語此固賊匪詭計冀圖牽綴官兵而洋縣地面稍寬又有漢江處處可以偷越亟須幫同堵剿此時索費英阿兩河汛地已有長春在彼代守留壩之江口亦有雒昂帶鄉勇二千六百名並汪啟派來官兵四百名共三千名足資防堵而汪啟防守之桅桿石相距不遠並可就近照料

料臣擬於月內馳赴洋縣緊顧漢中平地兼爲

王文雄聲援至總兵索費英阿原應駐守兩河  
但此次戴家營賊匪係由伊汛地逸出是以責  
令跟蹤兜截並囑以如縱賊匪入甘一誤再誤  
卽當叅奏伊亦自願立功自贖甚爲悞奮至前  
次各路打仗受傷官員陣亡兵勇另行查明咨  
部辦理均奏入

上命軍機大臣傳諭額勒登保曰陝省各股賊匪俱

向西竄若任其闖入甘境額勒登保等自當緊蹙  
追剿大兵全入甘境則陝南一帶兵力空虛僅有  
長麟台布在彼皆不足恃川北之賊必致乘間又  
竄入陝額勒登保等勢難兼顧以目前緊要機宜  
而論陝境之賊自應逼令入川不可縱令入甘本  
日據德楞泰奏龍紹周唐大信二逆已竄入西鄉  
其川北各股賊勢亦漸向北趨若額勒登保能將

陝省之賊驟入川境使兩省賊匪俱在陝南川北之交較前散漫情形畧有眉目則德楞泰帶兵自南而北額勒登保帶兵自北而南卽在川陝交界地方痛加剿殺可望以次殲除至戴家營賊匪已據台布奏稱係由索費英阿汎地逸出究竟如何縱賊情形著額勒登保傳旨先將索費英阿革職提至軍營詳加審訊若索費英阿竟未派兵在彼



擱截任聽賊匪過河厥罪甚重卽行正法示衆若  
僅派員帶兵前往而伊未曾親身督率堵禦其罪  
稍輕或索費英阿聞信親赴該處奮力擱截實因  
衆寡不敵以致賊匪衝逸過河更可量爲末減索  
費英阿所遺肅州鎮總兵員缺著額勒登保於軍  
營出力人員內保舉二員候朕簡用所有該鎮原  
帶之兵卽就近交與定住楊遇春帶領剿賊至所

稱在袁家莊追剿任金柱一股賊匪時我兵已缺糧數日並不能源源接濟長麟台布實有應得之罪且索費英阿在西面防堵亦係伊二人所派而西南一帶係台布專駐地方與索費英阿尤近其咎更重已降旨將台布革去翎頂長麟革去花翎俱交部嚴加議處矣

上又命軍機大臣傳諭德楞泰曰德楞泰奏報追剿

白晝賊匪及殺師川北情形並未將張子聰處向  
瑤等一股賊匪剿盡殺賊亦屬無多餘匪仍任其  
竄至太平一帶是旬餘以來德楞泰不過尾隨賊  
匪到處狂奔並未能設法截剿且所稱竭力窮追  
日行百六七十里等語亦屬不實賊匪奔竄地方  
總在梁山達州新寧一帶若每日果能行一百數  
十里焉有如此疾追總不能趕上賊匪之理且當

此溽暑煩歎人困馬疲軍行焉能如此迅速其言  
竟難深信看來德楞泰仍不免有從前虛詐習氣  
德楞泰現係成都將軍統領全省軍務一切堵剿  
機宜皆其專責伊旣知官兵阻截爲要何不預爲  
派撥將賊匪去路早爲堵截乃在其輾轉奔竄成  
何事體又據奏龍紹周唐大信聞官兵將至改換  
紅旗扮作官兵分走陝省西鄉邊界賊匪詭計旣

能扮作官兵豈官兵卽不能改換裝束或作村民  
鄉勇使賊猝不及防乘其不備奮力剿殺何乃尾  
隨賊蹤徒疲兵力耶且每辦一股未及辦竣又藉  
稱別股緊急會而之他以致殘敗之賊又復裹脅  
愈集愈多是以賊匪前有九股今又增至十二股  
似此東追西逐何時始能蕪事德楞泰著傳旨申  
飭此時賊匪大股俱在川北地方德楞泰務當督

飭鎮將悉力堵剿並一面知照勒保前赴川北會同籌辦務將各股賊匪以次剿淨其竄至陝境之賊並知會額勒登保爲兩面夾擊之計總趁賊匪在川北陝南之際額勒登保自北而南德楞泰自南而北將賊匪逼歸一處四面兜剿斷其奔竄之路庶可迅速集事再高二馬五一股賊匪由番地闖入甘境後勒保派合阿哈保百祥帶兵截剿會

明倫彙編 家範典 卷之三十三  
十一  
否將賊匪截回剿淨此股之處並著德楞泰勒保  
據實速奏

上又命軍機大臣傳諭長麟台布曰台布奏稱多寫  
簡明告示分遣鄉勇遍行張貼凡有賊營投出之  
人不論是否被裹概免訊究給票回籍等語此等  
投出之人若訊明實係難民自應給贖安頓若係  
久經從賊者必當查明辦理如勒保所獲賊首

汪瀛假充糧夫混入軍營探聽消息此其明証乃  
台布於賊營投出之人並不訊明來歷俱已給票  
遣回完事若有賊匪頭目在內豈亦可縱之使去  
乎看來台布方寸已亂辦理竟無把握其所稱賊  
衆由黑河折回之處究係何人在前攔截抑係賊  
匪自行折回殊未明晰至戴家營賊匪前經官兵  
剿殺分股由黑河竄甘據奏係由索費英阿汛地



逸出除將索費英阿革職交額勒登保查訊外台  
布彼時在陝境西面往來彈壓未能督率將弁嚴  
爲剿截咎實難辭而摺內並未自行請罪且辦理  
糧餉最關緊要今經畧額勒登保大營在袁家莊  
剿賊竟至糧運缺乏台布所辦何事本應將伊革  
職發往伊犁惟念台布在陝經手軍務甫知頭緒  
一時乏人更換是以姑從寬貸台布著革去翎頂

仍交部嚴加議處以觀後效至長麟前經額勒登保知會在陝省東而帶兵防堵而本日額勒登保及台布奏摺內俱未聲敘長麟在何處堵截且伊係本省總督索費英阿不能將戴家營賊匪攔截致令由黑河奔竄皆由長麟派委非人所致亦應革職治罪姑念長麟所駐之處距黑河稍遠較之台布之近在西面未能堵截者尙屬有間長麟著

拔去花翎仍交部嚴加議處以示薄懲

初五日

丙

長麟奏言竊

臣

前晤額勒登保令

臣

由孝義五郎一帶馳赴江口以防賊匪折竄茲

接額勒登保來信以五郎迤西四畝地地方情

形緊要囑

臣

前往堵禦

臣

卽於二十日自江口

拔營二十二日行抵火地復接額勒登保來信

賊匪均已西竄西路正當喫緊囑

臣

前赴留壩

江口督率堵禦兼囑飛札北面防守各員一體  
嚴防并添派總兵關騰防守北面革職成都將  
軍富成歸入臣營以備調遣等因查總兵關騰  
因相距路遠尚未趕到其北面各峪口先經臣

移派副都統和興額帶兵防堵並恐峪口過多  
兵力有限又派總兵觀祥馳赴山外協同防守  
臣卽於二十三日由火地折回途次連接和興

額來咨并據蓋屋縣稟報揚開甲股匪約一萬餘人於二十日從蓋屋之辛峪竄出經和興額帶領守備孝順阿佐領薩勒杭阿統率馬步官兵奮力截剿斃賊百餘名生擒馬賊三名該匪卽折向西竄和興額督兵追趕二十餘里適總兵觀祥亦卽帶領馬隊趕來策應正在會合進剿間據探弁馳報辛峪內又有賊匪屯聚將近

峪口和興額觀祥當將原帶官兵撤回堵剿時  
值大雨連朝賊匪潛匿未出二十三日和興額  
等先派馬隊數十名入口躡探生擒賊探陳滿  
花一名訊供此股賊目係伍金柱共有七八千  
人因大兵追剿緊急逼近峪口當將所獲賊探  
正法一面派兵分布山口嚴防至二十四日先  
有馬賊數十名一齊湧出我兵馬隊奮前迎擊

又有步賊數千人從溝內奔出和興額觀祥派  
令頭等待衛巴彥泰委前鋒叅領成善等將馬  
隊分爲兩翼吶喊衝進和興額觀祥率領步隊  
奮勇直前斃賊二百餘名生擒十一名時本處  
居民亦率鄉勇七八百人出寨助戰賊匪力不  
能支紛紛爬上山頂都司倭里布守備孝順阿  
急領步隊自下仰攻又擊斃三人追殺二十餘

里該匪翻山竄入插鼓臺溝內臣聞信當卽督

兵冒雨兼程於二十六日趕出子午峪由鄠縣

盩厔一帶前進探剿途間又接鳳邠道王文湧

及岐山寶雞等縣稟報前股賊匪楊開甲於二

十二日西奔岐山之高店經王文湧帶領兵壯

施放鎗礮賊匪恃衆抗拒我兵奮力衝殺各有

損傷賊匪潰散復於二十三四等日竄至岐山



寶雞之渭河南岸偷渡經該縣等督率兵勇在  
北岸擊斃賊匪十餘名賊不能晒渡卽於二十  
五日向東河橋黃牛舖一帶向西南奔竄其後  
股賊匪伍金柱於二十五日竄至曲靖地方經  
王文湧埋伏鎗手擊斃賊探二名奪獲大旗兩  
杆賊知有備亦卽折入營頭口山內奔竄臣恐  
其竄入棧道直向南趨卽飛札王文雄札勒杭

阿等帶兵在南面堵截並撫探報額勒登保現

由水田坪野茅溝茅坪一帶趕入棧道截擊等

語查額勒登保一入棧道即可趕至賊前但後

無追兵賊匪折回北竄剿辦難期得力臣卽日

帶同觀祥富成緊躡賊蹤奮力追趕倘該匪等

直向南竄臣正可與額勒登保王文雄等兩面

夾擊倘該匪等折向西奔闖入甘境臣卽追入

甘省仍留和興額並總兵關騰各帶官兵在北  
面防守至前竄沔畧之戴家營一股因南面有  
王文雄等堵截未能竄入川省卽由黑河娘娘  
壩等處折入徽縣境內業經台布派索魯英阿  
帶兵一千四百名前往抄截其前在川西滋擾  
之藍號高家營賊匪亦於五月十五日竄入甘  
省岷州寧遠境內經勒保派副都統阿哈保總

兵百祥帶兵五千餘名追入甘省剿捕並有虜  
厚帶兵三千餘名趕往接應辦理似易得手至  
川省龍紹周唐大信等一股賊匪亦於本月十  
六日由南江太平竄入陝省西鄉紫陽境內

臣

亦已飛札額勒亨額慶溥溫承惠帶兵分投迎  
擊剿辦去後茲據額勒亨額咨稱賊匪至紫陽  
麻柳壩一帶經該副都統分派佐領科興額都

司儲士雄守備王騰龍等分路堵截賊匪現已  
折回西鄉猴子壩未能深入臣現又飛催慶溥  
溫承惠等卽日帶兵趕到協力剿辦奏入

上命軍機大臣傳諭長麟曰長麟在陝堵剿賊匪輾  
轉因循總未見與賊接仗一次殲殺一賊總待額  
勒登保知會令往何處堵禦長麟始行拔營前進  
如所稱十九日接經畧來信以五郎迤西緊要卽

於次日自江口拔營行抵火地復接經畧來信以  
西面喫緊應赴留壩江口防堵卽由火地折回途  
次聞楊開甲一股在辛峪一帶竄擾卽趕出子午  
谷由鄆縣蓋屋前進探剿並以額勒登保已趕入  
棧道截擊長麟卽日帶同觀祥等跟蹤追躡倘賊  
匪折向西奔長麟卽追入甘省各等語竟似緊躡  
賊蹤畧無停待而其實所到之處俱在賊後又並

未趕上賊匪帶兵截殺是長麟惟以防堵截擊爲  
詞甚屬取巧自衛在無賊地方往來奔逐且楊開  
甲一股由辛峪竄出其防堵不力之副都統和興  
額卽係長麟派往亦難辭咎但和興額雖縱令楊  
開甲竄入辛峪而於伍金柱逼近峪口時能率領  
弁兵直前奮擊斃賊二百餘名追殺二十餘里賊  
匪仍竄入插鼓臺溝內是和興額尙屬功過相半

較之長麟之並未殺賊者猶爲差勝至川西滋擾  
之賊匪係高二馬五二逆此間久經知悉而長麟  
係該省總督摺內尙稱爲藍號高家營該督於賊  
匪股數尙未之知爲此夢囈之語除和興額疎防  
楊開甲及截回伍金柱賊匪情形已令額勒登保  
查奏外長麟著傳旨嚴行申飭該督屢經遲延玩  
悞獲咎已多是以將伊拔去花翎姑示薄懲該督



務須倍加愧奮實力截擊嚴密防堵倘仍前遷延  
貽悞必當重治其罪

上又命軍機大臣傳諭額勒登保曰長麟奏楊開甲  
股匪於五月二十日從盤屋之辛峪竄出經和興  
額帶領備弁等截擊賊匪卽折向西竄正在會合  
觀祥追剿間又因辛峪內有賊匪屯聚將通峪口  
經和興額等帶兵堵剿和興額係長麟派令防堵

峪口今據長麟奏於楊開甲一股不能奮力攔截  
縱令竄出辛峪自難辭咎著額勒登保卽查明和  
興額如何疎縱賊匪竄出辛峪伊有無巴圖魯名  
號曾否賞翎之處一併具奏候朕酌量示罰若本  
無巴圖魯名號亦未經賞翎俟查奏到日再將和  
興額交部嚴議目下陝省賊匪尙無逼向川北之  
勢且川北地方屢經被賊蹂躪無食可掠復經德

初秦令民人等分築堡寨堅壁清野陝匪必能偵  
探未必肯竄川北若各股賊匪俱竄甘境額勒登  
保自必統領官兵入甘追剿長麟係陝甘總督亦  
必隨赴甘省辦理糧餉其陝省沿江一帶僅委之  
台布額勒亨額慶溥溫承惠等在彼防堵設使川  
北各股賊匪因見經各兵全赴甘省卽乘虛搶  
渡擾及陝境台布等豈能堵禦朕深不放心特此

傳諭額勒登保如陝匪竟向甘省奔竄額勒登保  
必須統兵入甘進剿務當將陝省沿江防堵事宜  
悉心籌畫佈置十分周密分派委員足資抵禦方  
可離陝赴甘或酌量情形額勒登保可以無須親  
赴甘境卽當酌派帶兵得力之扎克塔爾楊遇春  
定住等前往截擊更爲妥善

欽定剿平三省邪匪方略正編卷一百八十四

庚申年

六月初六日

丁巳

台布奏言竊

臣

由江口起身沿

途經過留壩馬道青橋褒城城固等縣驛督趙

滾運糧石旋接額勒登保來信以官兵已至洋

縣地界囑

臣

卽在城洋督率查辦查額勒登保

乘勝長驅軍糧尤爲萬緊現聞楊開甲一股業

已屢次挫敗餘匪四竄師行靡定各路糧運均

應派員督催間段儲備以便勝兵一到隨時供  
運因酌委西安府知府陳文駿鳳翔府知府崇  
祿漢中府知府趙洵候補知府樊士鋒分投採  
買運貯城堡寨落統計山內五郎鎮安石泉漢  
陰及棧內寶雞鳳縣留壩褒城等處俱經間段  
分儲不至稍有缺乏雖值青黃不接臣自當設  
法購辦節據州縣稟報戴家營賊匪經官兵連

次截殺並

臣

貼示招出投首餘匪僅六七百人

乘間竄至徽縣北路總兵索費英阿現在緊躡

追往而川省巴州南江境內賊蹤竄擾距陝省

寧羌南鄭不遠德楞泰已帶兵追來其盤屋辛

峪一股約數千人先經和興額觀祥帶兵跟擊

殺賊百餘名弁兵間有傷亡賊衆遂由郿縣沿

河西竄復經王文湧帶領兵壯堵剿賊多兵少

互有殺傷賊又竄入寶雞鳳縣山內此時江口  
桅桿石兩處防兵正有南山各匪由華陽茅坪  
一二即囑一帶西竄尚須嚴密防堵以待經畧勝  
兵追洗未便掣動只可就近確探賊縱由何路  
逃竄卽責令何路逆頭幫剿又川匪一股竄至  
紫陽之煙墩亞被兵勇截回翻山關入西鄉縣  
境提督王文雄上平防守西鄉於該處情形最



熟但現因張揚等逆由石泉西欲思偷渡漢  
江正在沿山堵截難以兼顧惟臬司溫承惠所  
帶鄉勇近在漢陰臣已飛札該司速往剿捕

台布又奏言竊查戴家營賊匪前次由辛峪竄  
出窺伺平原經王文湧帶領兵壯由北面攔截  
逼回南山賊遂竄至杜家莊逸出總兵索費英  
阿汎地該鎮連次截剿後賊匪四散竄至黑河

其地西通徽兩臣以此股賊匪西竄究係該鎮疎縱而兩處道路情形該鎮尙爲熟悉是以責令跟蹤追剿現據兩當縣知縣孫鉞及畧陽都司王永年稟報此股餘匪已由虞關竄至徽縣北路索賈英阿緊躡前往是該鎮於此十餘日內雖亦緊躡並未截回臣不敢因其前曾連次打仗獲勝并訊出生擒賊匪內有羅其清之弟

賊目羅永恆稍有微績代爲隱飾

台布又奏言正繕摺間接奉

諭旨以賊匪現竄西南大兵前往剿辦合臣赴興安

適中之地妥爲供運臣查興安一帶因青黃不

接之時購買軍糈始則重價可買繼則重價亦

不可得民情因此皇皇該府半係楚人多習邪

教不令就近運供則軍營不能接濟若竟盡力

採買搜括無遺則大妨民食夙夜焦灼刻欲馳  
往督率安撫祇以處處牽掣力圖兼顧是以中  
路折回今蒙

聖明指示酌量情形以地方而論興安爲重江口較  
輕以軍務而論經畧追剿大股兵數衆多山內  
糧餉更關緊要且洋縣地方王女雄獨力難支

正須幫助臣擬卽日起程先將洋縣道路疏通

以便滾運糧石順道前赴興安再經夏額勒登保一路官兵共一萬四千八百餘員名每日需米約二百餘石合之恒瑞長麟王文雄額勒亨額和興額觀祥劉之仁慶溥扎勒杭阿長春汪啟索費英阿等各路官兵一月統計約需米一萬數千石此時陝省大米重價購買業已搜羅殆盡湖北協濟米一萬石僅敷官兵凱旋之用

集賢堂卷之二 五  
大叻告竣後平糶賑借等事民間需米正殷臣

擬咨商江西巡撫張誠基於江西附近水次州

縣倉穀內碾米十萬石由水路徑運興安以備

賑糶奏入

上命軍機大臣傳諭台布曰楊開甲一股昨據長麟

奏共有一萬餘人從辛峪口竄出和與額並未

攔截賊匪現在向西奔竄而台布尙稱業已屢次

摧敗餘匪四竄非粉飾而何摺內又稱各路糧運酌委知府陳文駿等分投採買間段分儲不致稍有缺乏若果如此則各軍營應用軍糧自必源源接濟何至札克塔爾等前在袁家莊追賊時竟至缺糧數日其分儲共運之語若非台布有心捏飾卽係辦糧之知府等朦混稟報台布不察虛實據以入告摺內輒稱大兵凱旋尤屬套語台布著傳

旨申飭又據稱川省巴州南江境內賊蹤距陝省  
寧羌南鄭不遠德楞泰已帶兵追來等語川北之  
賊共有十數股其由巴州南江竄近寧羌南鄭者  
究係何賊若止係一二股竄近陝境而德楞泰帶  
兵追趕前來則川北各股賊匪又交何人剿辦此  
語如果屬實又增朕煩悶矣至叅奏索費英阿不  
能將戴家營一股賊匪攔截任其竄過黑河昨已



有旨令額勒登保查辦具奏其所請飭令江西巡撫採運米石一事亦降旨諭知張誠基妥爲辦理迅速解陝矣

上又命軍機大臣傳諭額勒登保曰本日據台布奏賊衆由郿州竄入寶雞鳳縣山內自係指楊開甲一股而言其竄至紫陽之川匪經兵勇截回關入西鄉自係指龍紹周唐大信而言與長麟昨奏相

同而台布摺內並稱巴州南江之賊竄近寧羌南  
鄭德楞泰已帶兵追來此股賊匪又係何人爲首  
現在川省之賊共有十數股苦止係一二股竄近  
陝省德楞泰卽行來陝轉置川省各股於不問則  
德楞泰又與本年正月額勒登保自川赴陝情事  
相同川北川東之賊又必思乘間竄往川西則勒  
保又如前此之魁倫而李紹祖又如前此之阿哈

保矣焉有如許之賊舍而不辦獨追一二股之理  
諒德楞泰不肯如此然既有此言朕又增煩悶台  
布所奏恐未確實額勒登保當查明自川竄陝之  
賊究係幾股德楞泰曾否追來據實具奏並一面  
派兵前往堵截一面知照德楞泰速回川北方於  
大局有裨再前據額勒登保奏與其令賊匪竄入  
甘境不如令其竄入川境固爲正辦今看賊匪情

形不但陝省現有之賊未必向川北奔竄而川北  
賊匪方思闖入陝境目前緊要機宜額勒登保  
能將各股賊匪逼令入川固屬甚善若不能截賊  
匪入甘之路則當驅向曾經被賊蹂躪地方使之  
無從覓食設法逼歸一處庶易剿辦斷不可令完  
善之區復遭焚掠或至四散蔓延也

上又命軍機大臣傳諭德楞額曰台布奏川省巴州

南江境內賊蹤竄近寧羌南鄭德楞泰已帶兵追  
來等語川省賊匪共有十數股龍紹周唐大信二  
逆早已竄至陝省西鄉今南江之賊竄近寧羌南  
鄭者究係何賊若川省十數股賊匪俱向陝省奔  
竄川省實無一賊德楞泰自應帶兵入陝若止係  
一二股竄近陝境祇應派委得力將領酌帶兵力  
前往剿辦何必親統大兵赴陝德楞泰係成都將

軍朕又屢降諭旨將四川軍務交德楞泰陝甘軍務交額勒登保湖北軍務交明亮剿辦伊三人各有專責德楞泰斷無不知輕重緩急舍川省多股賊匪於不辦而自追剿一二股賊匪率行赴陝之理若果如此則川省賊衆盡委之勒保李紹祖等又如前此額勒登保帶兵入甘魁倫阿哈保不能辦理致滋貽誤則勒保豈不成魁倫李紹祖豈不

成阿哈保乎台布所奏想未確實德楞泰諒不輕  
率若此如果實有其事德楞泰自應派留委員在  
彼協剿伊卽當速回川省剿辦大股不可舍難就  
易貽誤事機仍著德楞泰將自川竄陝之賊究有  
幾股及伊曾否赴陝之處加緊馳奏以慰屢注

初十日

辛酉

廣厚奏言

臣

前因高家營賊匪由四

川松潘之黑河口二道城等處竄近卓泥土司

地界當卽帶兵自文縣趕回西固洮岷相機防堵文階一帶路徑多係巉巖峭壁中間一線羊腸下臨大河適連日大雨水漲窄路半皆衝斷

臣鼓勵兵弁繞越山梁趕緊前進馳抵西固之

鄧家橋探報賊匪經七十五痛加殲殺已由卓泥之陽布地方穿越老林連翻大山竄至岷境之紅崖申都一帶查岷州以北毗連狄道渭源



均係完善之區所關甚重而前咨姜開陽所請  
之兵尙未到來隨督催將弁兼程翻老鶴山繞  
出賊前過其北竄該匪探知連夜奔竄寧遠之  
潭歌川分爲兩股一竄禮縣之庸平里一竄伏  
羌之寧川似欲俱向秦州奔竄并於沿途有逃  
出難民王選嚴錫名等二十七名供稱賊匪馬  
五等本欲竄往鞏昌狄道搶掠昨晚四更正在

造飯有探馬報說文縣官兵趕回追來馬五卽  
令賊衆往東南奔跑我等乘空逃出等語查明  
實係被脅者各給路票錢文釋令回籍正在跟  
蹤追剿勒保派令副都統阿哈保總兵百祥帶  
兵已由岷州前來臣當卽飛行知會阿哈保等  
卽由寧遠伏羌自北而南臣從禮縣自西而東  
相機商辦如賊已合一處則兩面夾攻倘仍兩

面奔逸則分兵截擊務期將此股賊匪殲除淨  
盡再合計阿哈保等及臣所帶之兵足敷勦辦  
其前咨姜開陽所調之兵已移令停止奏入

上命軍機大臣傳諭廣厚曰廣厚奏趕赴北面堵截  
川匪情形一摺殊欠明晰該匪經官兵堵截未敢  
北趨連夜分投南竄廣厚既稱官兵堵截何以並  
未遇賊打仗卽能將奔竄之賊匪截回其摺內所

稱一竄禮縣之庸平里一竄伏羌之寧川是否卽  
係甘省南面亦未敘明至禮縣距徽縣兩當不遠  
現在陝省戴家營分股由黑河竄近彬縣兩當地  
方川匪竄往禮縣恐與戴家營就近合夥如廣厚  
能於該匪未經合夥之時同阿哈保百祥將高馬  
二逆一股剋日殲除淨盡卽係伊等之功朕必懋  
加優賞倘高馬二逆與戴家營合爲一處廣厚阿

哈保百祥等正當趁多股賊匪竄聚之時併力剿捕廣厚惟當就原帶之兵在甘境將各卡隘嚴密堵禦倘疎於防範致由甘竄出之賊復行折竄回甘則惟廣厚是問至所稱現帶之兵足敷剿辦其前咨姜開陽所謂之兵卽令停止一節廣厚所帶兵丁業已敷用是前此調兵之舉未免冒昧且旣經咨調置辦軍裝不無所費與其停止於後莫若

不調於前似此忽調忽止令人無所遵養成何事  
體此時廣厚務當就現有兵力與阿哈保百祥熟  
籌剿辦爲要

同日

上命軍機大臣傳諭長麟台布曰前據長麟台布先  
後奏到移兵陝省邊界及江口一帶分段堵禦並  
將派出各員開單繪圖冊說進呈統計所帶兵丁

不下一萬四千餘名彼時因該省賊匪本欲竄赴河南該督等於西南兩面層層設卡安兵斷其後路而東北兩面全無遏禦經畧額勒登保等亦自西而東追擊勢欲逼令賊匪全趨豫境是以降旨將額勒登保那彥成長麟台布等俱行拔去花翎嗣因額勒登保等繞赴賊前在商維一帶痛剿賊勢已向西竄距豫漸遠當即將伊等花翎全行賞

還但賊匪既經過向西趨而西南兩面早經長麟等布置嚴密自應乘勢奮擊以收兩面夾攻之效乃現在戴家營一股竟由黑河一帶竄入徽兩境內楊開甲一股亦從辛峪逸出竄至岐山寶雞之渭河南岸欲圖偷渡經兵勇擊退卽向西南奔逃且前曾降旨以賊匪如竄入山內卽應嚴防不使逸出若已竄至平地必當於險隘處所擇要扼住



不令復行入山今伍金柱一股於竄近峪口時雖  
經和興額等帶兵奮擊賊仍竄入搗鼓臺溝內旋  
又由曲靖地方折入營頭口山內並恐闖入棧道  
是陝省各股賊匪俱已竄向西南而山內竄匪亦  
任出入自如其分段防守之員並未攔住是以前  
曾降旨將疎縱賊匪之總兵索費英阿副都統和  
興額等交額勒登保查審俟叅奏到時再降諭旨

外額勒登保係統兵剿賊之人伊將東竄賊匪逼  
回之後復將張漢潮餘匪剿淨其助惡之首逆龐  
洪勝亦痛加殲戮斃賊五千餘人可謂不遺餘力  
若長麟台布所派各員果能在西南一帶實力堵  
禦相機迎擊則各股賊匪早可殲除何至仍任戴  
家營楊開甲等突向西竄長麟台布前此所奏分  
段防堵及所進圖樣並非朕降旨令其如此辦理

係伊自行陳奏見其防堵認真追賊向西趨又並  
未實力攔截可見伊等所奏西南兩面安兵設卡  
之處竟屬紙上空談西南兩面防堵既如此懈弛  
則伊等所奏東面帶兵堵截等情恐亦屬虛飾殊  
不可信前將長麟台布交部嚴議今經吏部議以  
革任本應照議行惟伊二人甫悉該省情形若俱  
行更換又係生手長麟台布著加恩姑免革任以

觀後效若再不知愧懼奮勉仍前取巧自衛則是  
自蹈重譴不能曲邀寬貸也

十一日

壬戌

額勒登保奏言

臣

前在兩河地方督

兵過河誠恐該匪等亦因河水消落軌卽逃遁

早經飭知札克塔爾楊遇春穆克登布等務先

偵探賊蹤上緊剿辦

臣

於二十五日行至楊莊

河三更時接據札克塔爾等呈報連日大雨藥

壩地方河水深漲二十三日差人密探楊開甲  
等股賊匪分在茅坪邵家溝沙壩寒風洞一帶  
焚掠并有搶劫洋縣運來軍糧之事甚形猖獗  
晚間幸河水漸退遂於五鼓發兵天明甫至七  
盤溝嶺卽遇騎馬賊探十數人矛手百餘人經  
前隊叅將楊芳遊擊應元寬都司吳廷剛等率  
領馬步官兵數十人下壓斃賊十餘名匪衆卽

在嶺下溝內聞有官兵已搶佔左右山梁札克  
塔爾穆克登布帶兵上嶺見賊勢蟻聚其右面  
山梁須下溝方能搶上當架劈山礮先轟左山  
梁之賊該匪等尙搖旗吶喊連轟十餘礮賊匪  
退却格布舍帶侍衛傳陞噶達飛墨新明喜及  
副將豐伸等乘勢下坡卽衝上左山梁之高處  
鎗箭並發斃賊紛紛維時穆克登布已截住右

山梁之路該匪等既不能下溝綸布春同雙星  
阿副將張鳳喜明等由亂石峽溝翻上右山梁  
之後突將賊匪隔爲兩段前後攬殺斃賊一百  
餘名餘匪亂竄下溝楊遇春帶領官兵從溝內  
直入左山梁之賊亦俱爲官兵逼下我兵合力  
隨趕隨剿沿途斃賊三百餘名疊越重山出大  
鼓坪後俱係密箐老林見餘匪遁入不及一千

餘人其餘賊衆尙不知在何處藏匿未便窮追

臣

一面札令札克塔爾等相機剿辦

臣

於次早

遣程向前晌午在茅坪二十餘里外據報札克

塔爾楊遇春穆克登布追賊將至茅坪大獲全

勝已將首逆楊開甲殲斃

臣

整兵馳進抵茅坪

時天色傍晚札克塔爾等已分駐營盤

臣

亦卽

駐營詢知楊開甲辛聰張添倫宋麻子顏勝可



魏棒棒等大小六股賊匪先後竄歸一處共有

萬餘人聞臣兵在東面均欲向西北逃逸緣雨

阻到處不得攜食先令魏棒棒等帶人出來探

路二十四日經我兵在七盤溝嶺打敗折回楊

開甲等商量要從女兒壩出截官兵二十五日

拿獲賊探得信今日四鼓發兵徑向女兒壩迎

頭截擊早間賊匪見有官兵俱向黑虎廟白坡

子一帶各山密樹旗幟並有騎馬之賊二百餘  
名矛手多人從朝陽坪翻山勢仍欲轉出我兵  
之後狡獪殊甚札克塔爾楊遇春穆克登布與  
綸布春桑吉斯塔爾格布舍侍衛將領等在黑  
虎廟山口會商將鍋帳趕緊攢扎山梁撥兵護  
守札克塔爾等將官兵分作七八路何處可以  
上山卽於何處殺入該弁兵無不爭先競進箭

射矛戳斃賊計七百餘名餘匪折向茅坪我兵正在追趕該匪忽又奔回自相踐踏者甚多拋擲器械旗幟無數我軍乘機趕剿約斃賊男婦五百餘名賊匪散竄各山全無定向我兵暫爲憩息有湖北執旗兵黃金玉同兵丁楊霖獻到首級據該兵丁聲稱追賊時見有一人騎馬指揮各賊定係頭目黃金玉隨將所執旗桿盡力

擊去此賊接住旗桿我用力一拉賊竟墮馬適  
楊霖趕上用刀亂砍就將首級割下沿途獲賊  
見者皆稱係元帥楊開甲等語探報餘賊又從  
後山翻出茅坪札克塔爾等復帶兵緊追賊匪  
散漫無多殺有六十餘名及到茅坪已無蹤跡  
隨卽分駐此次前後殺賊約計有一千數百名  
生擒男婦五百七各口當將活賊嚴訊所供情

節與賊探相同其黃金玉獻來首級令各賊指  
認無不認爲元帥楊開甲並訊之楊開甲親隨  
之汪大青王元所供無異其爲楊開甲無疑當  
將該犯等正法其餘前後所獲各犯訊出各股  
內之矛子手及從賊已久之人亦卽正法該匪  
等因雨阻盤踞新墟附近居民訊出男婦三百  
二十一名口概予釋放次日陸續逃出者又有

六百餘名委員分別查訊實係裹脅亦俱省釋  
惟餘逆仍復逃竄臣傳集將領等面加獎勵偵

探餘匪有向西從華陽竄去者有向東四畝地  
竄去者迤東之五郎江口要隘固有恒瑞帶兵

駐劄但東面路逕叢雜隨令札克塔爾楊遇春  
穆克登布等帶兵卽行趕往大河壩四畝地一

帶攔剿臣帶兵暫在茅坪扼其回竄又聞伍金

杜冉學勝張世龍等股賊匪有相繼逃竄西北  
峪口之信前已札致長麟帶兵前往督率堵截  
此時惟有先將東面之賊全數掃除再向西北  
剿洗至節次打仗官員均屬平善兵勇間有傷  
亡容另查明咨部奏入

上命軍機大臣傳諭額勒登保曰此次擒渠獲勝係  
札克塔爾楊遇春穆克登布等分路督兵奮力截

欽定大清會典事例 卷一百一十五 禮部 三十一  
擊得有此捷而額勒登保調度得宜將士人人用  
命總屬經畧之功自應一體加之恩獎額勒登保  
札克塔爾楊遇春穆克登布俱著交部從優議敘  
仍著賞額勒登保洋鎖帶扣瑪瑙鼻烟壺搬指套  
大小荷包札克塔爾楊遇春穆克登布各賞堪達  
爾罕搬指搬指套大小荷包以示優獎並發去翎  
管二十個一兩重銀鏤二百個五錢重銀鏤四百



個交額勒登保分賞出力官弁兵丁等俾其益加  
鼓勵至殲賊楊開甲係湖北執旗兵黃金玉同兵  
丁楊霖割獻首級閱其情節得獲首功自以黃金  
玉居首著卽超拔千總仍賞藍翎楊霖著超拔把  
總以示獎勵額勒登保等前此拿獲王登廷卽將  
盤獲之鄉勇向文鏞指名查奏今於割獻楊開甲  
首級又將該兵丁等奮勇出力之處詳悉聲敘辦

理實爲公當嘉是覽之至楊開甲一股剿敗餘匪  
現有向東四畝地竄去者甚爲可恨陝省西面已  
有官兵分投防堵而東面路徑叢雜深恐其乘虛  
奔竄今額勒登保已令札克塔爾等趕往攔截額  
勒登保仍暫在茅坪扼其回竄所辦甚是看來額  
勒登保之意自欲辦淨一股再辦一股於剿捕機  
宜亦爲得當惟望將辛聰張添倫宋麻子等犯及

所有餘匪悉數殲除捷音踵至至吉林索倫兵剿  
賊日久不無疲乏正降旨令黑龍江調兵一千名  
吉林調兵五百名前赴軍營協剿今兵勢已振事  
機順利朕亦不因此卽停止調派仍令陸續進發  
彼時額勒登保德楞泰明亮等剿辦賊匪如能以  
次殲除所調新兵俱可不用更屬美事若祇餘一  
處未竣卽應將此項新兵全赴該處倘有兩路二

路需兵協剿卽應酌量分撥前往額勒登保總當  
鼓勵現有兵丁乘勝奮擊不妨揚言續調吉林索  
倫勁兵數千尅日齊集壯我士氣以寒賊膽再各  
路疲病無用官兵節經降旨令其查明裁汰尙未  
據將如何分別裁撤緣由奏及現已續調吉林索  
倫官兵額勒登保此時卽應詳悉查明不拘何項  
兵丁如有疲乏無用者先行撤減則此項餉銀卽

可留以養給精兵於餉項既不致虛糜而一兵可得一兵之用剿捕自更得力至戴家營一股已有定住帶兵協剿楊遇春正在追剿楊開甲餘匪喫緊之時是否可以分身仍著額勒登保酌量而行亦不爲遙制也

同日勒保奏言臣連日以來與司道悉心商確

謹就川省目前軍務情形而論如川東川北往

來奔竄之賊散漫於開萬廣岳通巴等處不下  
十餘股而剿賊之兵僅止臣與德楞泰兩路其  
餘不過分遣鎮將隨時協剿不能十分得力但  
刻下既無可調之兵又無添兵之餉自應遵

旨通查受傷患病營弁兵丁概行飭歸原伍以節糜  
費此外兵力不敷卽通飭各州縣團練鄉勇以  
資堵截惟是團勇一項與鄉勇有別如隨營打

仗防守卡隘官給鹽菜口糧聽候調撥者謂之  
鄉勇百姓等自出已資修築堡寨擇其中年力  
精壯各備器械該處里民自行捐給口糧以爲  
守禦者謂之團勇此項團勇止係各顧身家不  
能強令遠離寨落奮勇殺賊蓋與鄉勇本有官  
雇民雇之分非地方官素得民心妥爲駕馭不  
能得用爲今之計各路隨營鄉勇官給鹽菜者

雖不能十分得力然查詢道路探聽賊情亦不能一概裁撤且恐此等無藉之徒猝然刪減轉致流而爲匪不可不防惟有從此停止招募不許各營再有增添則自然日見其少無虞糜費至防守地方之鄉勇如嘉陵江岸一帶地方緊要而兵力不敷分布者亦不得不酌給鹽糧以資其力此外各州縣零星守卡鄉勇擬令悉行



歸并鄉團飭令該地方官查明境內共聚團若干處每團約若干人分東西南北四路每路團內議定除看守堡寨外各出若干人賊從何路而至卽從何路堵禦仍設立團長領首名號如果殺賊立功隨時據實具奏予以職官其隨同出力者量加獎賞以示鼓勵凡有糧食牲畜悉移至寨中毋許存留鎮市以杜賊匪擄掠現已

欽遵

諭旨通行出示曉諭並酌定章程通行各屬遵照務  
期經理得宜以收實效至糧餉事宜查川省每  
年額徵地丁鹽茶稅課等項以全數徵收之年  
計算支發滿漢官兵俸餉新疆臺費以及各官  
廉俸等項本有不敷所以尙須江西等省協撥  
近年以來被賊州縣錢糧屢蒙蠲緩徵收僅十

分之四五爲數更屬有限總形又細辦理軍需  
惟有民間津貼之事但所謂津貼者如運糧腳  
價以及臺站夫馬等類官價不敷則由該百姓  
出資幫貼在該百姓等勉力輸將尙知大義此  
次軍務爲時旣久而川東川北各屬悉經賊匪  
蹂躪津貼已逐漸停止惟川西川南地方所出  
夫馬尙由里民津貼迨本年賊過潼河並龍安

所屬則川西完善之區又去其半其未經被賊之處不過四十餘州縣日久支持未免漸形拮据惟是此時軍務緊要糧運夫馬既不能停自不能不仍資民力所幸本年雨水應時收成豐稔而川省民田寬廣賦則比之他省較輕如量加津貼尙屬可行並鄉勇團勇雇價不敷之處以之酌盈劑虛量爲貼補亦應責成各地方官

慎選老成紳士察看閭閻力量妥爲經理毋許  
吏胥人等稍有影射臣現與司道將應辦大局

先行籌定卽赴川北一路會同德楞泰將裁撤  
疲兵團練鄉勇各事宜再加詳細熟籌據實具  
奏再查龍安之賊竄出南坪漸近甘肅土司楊

宗業番地

臣

當經分兵追擊茲據七十五一路

具報於草壩老虎口兩處趕上賊匪痛加殲殺

斃賊六七百名擒獲活賊童世元等二百餘名  
逃出難民傅國明等三百餘人並認出殺死賊  
匪內有老教師辛掌櫃并伊姪三兒又賊目袁  
老四等三名當卽寸磔梟示搶獲騾馬五百餘  
匹鳥鎗刀矛四百餘件緣該處山路實在陡險  
賊匪將騾馬盡行丟棄穿林越嶺四散奔逃我  
兵追至馬連場地方探得餘匪由大魚梁番地

衝破楊宗業卡隘亡命狂奔七十五卽派遊擊  
張超帶領步隊兵勇二千餘名跟蹤追躡副都  
統阿哈保總兵百祥行至黑河聞信卽帶兵馳  
往甘省督同張超追剿查沿邊布置事宜已交  
七十五薛大烈妥爲料理並將現有兵勇撤赴  
川北一帶俟臣馳赴德楞泰一路軍營帶領剿

賊

勒保又奏言

臣 欽奉

諭旨令將守備馬良柱等解送德楞泰一路弓箭火藥遇賊搶失外委張廷貴帶兵退回一節詢問

確實具奏

臣

遵卽調取同行弁兵來營查詢緣

本年春間賊過嘉陵江德楞泰帶兵在劍州梓潼一帶剿辦需用軍火弓箭經魁倫派守備馬良柱外委張廷貴帶兵百名護解前進二月二



十四日行至梓潼縣屬沉香舖地方猝遇賊匪  
衝出馬良柱在前不能抵禦卽匹馬潛行外委  
張廷貴在後催兵迎擊因賊多兵少衆寡不敵  
傷亡兵丁十六名張廷貴始行退回馬良柱被  
賊衝散後單騎行走先將頂帽失落有插旗山  
團首廖遠明見有一騎馬之人從街子場小路  
飛奔上山疑係賊匪探馬卽持矛迎截馬良柱

頸項受傷墜馬廖遠明又連戳右耳後殞命隨  
後卽有同團鄉勇宋連太唐之貴唐之秀等趕  
至高封鎮經防河遊擊張超查知將該犯就近  
解赴彰明監禁一面稟報魁倫而魁倫以事難  
辦理卽以馬良柱打仗陣亡節詞具奏質之外  
委張廷貴供亦相符查張廷貴係額外外委帶  
兵百名本祇令其解送軍裝並非派令剿賊途

次猝遇賊匪尙知向前抵禦惟因衆寡不敵始  
行退回非臨陣脫逃可比惟所解弓箭全被搶  
失自難辭咎應請將張廷貴革去外委重責四  
十棍仍作爲兵丁歸伍打仗以觀後效團首廖  
遠明疑賊誤殺實屬犯時不知未便仍以殺官  
科斷應照本廳罪重而犯時不知依凡人論闕  
毆殺人者絞律擬絞監候馬良柱實爲鄉團所

殺應將恤典撤回以昭覈實至綿州知州劉印  
全請兵不發一節詢之劉印全據稱二月二十  
日賊匪從魏城驛擾至綿州所屬之白家壩該  
牧親帶鄉勇三百名前往龍門壩青衣壩一帶  
添設卡隘隔河堵禦二十二日德楞泰兵到賊  
卽竄逃並未接仗鄉勇實無損傷此係地方官  
應辦之事並未稟過魁倫亦未稟請撥兵各等

詔惟查賊竄魏城之時河東百姓都向金山驛  
一路逃避不下數萬魁倫因恐奸徒混入祇令  
放船一隻過去逐一盤詰方許過渡劉印全因  
賊匪漸近恐東岸百姓擁擠致被戕害即將渡  
口所有船隻盡數濟渡難民得以保全因此百  
姓感激劉印全而於魁倫無不同聲痛怨所有  
該州率勇堵禦淪陷多名一節出自道路訛傳

並無其事臣此次取道金山驛又復細加訪察  
均屬實情相應遵

旨據實覆奏奏入

上命軍機大臣傳諭勒保曰各處團勇原令其各保  
里閭家室自爲守禦使賊無可搶掠並非全責以  
打仗殺賊之事但近聞各處團勇往往因賊經過  
堡寨懼其攻破將糧食等物擲給賊人冀免蹂躪

此則顯然助賊必當嚴行飭禁著勒保遍加曉諭  
各團勇等令其認真保護務須人自爲守以收實  
效如有私自助賊者定卽查拿按律治罪庶使共  
知大義同心敵愾至各路軍營如果認真剿賊辦  
有頭緒豈有靳發餉銀之理卽如閏四月間勒保  
未經奏請之前朕卽預撥銀四十萬兩現又擬續  
撥餉銀於旬日內卽當發往以資接濟該省向有

民間津貼之事原屬不得已之舉但如川西川南等處素稱繁富之區今歲則嘉陵江潼河附近各州縣被賊焚掠之處甚多地方情形迥不如前若一切費用咸取資於津貼恐不肖州縣吏胥辦理不善或致藉詞勒派別生弊端雖該省軍需浩繁不能不稍資民力然必須酌核情形妥協經理不可專恃此項辦賊尤不可任聽屬員需索侵漁肥



已其解到餉銀尤當加意搏節總期歸於實用不致虛費爲要又所奏七十五薛大烈帶兵在川省與甘境邊界布置照料等語高二馬五一股賊匪昨據廣厚奏在禮縣以羌等處分竄現有阿哈保百祥在彼會同廣厚辦理該匪等俱已竄近秦州去川漸遠看來未必以回龍安所有該處防堵之兵自可漸次裁撤著加保探明高二馬五一股賊

匪如已將辦竣斷不能折回川境卽將七十五薛  
大烈所帶之兵令其前赴川北協同剿賊自更得  
力又覆奏審擬守備馬良柱被鄉勇殺死一案所  
擬罪名俱未妥協馬良柱身爲守備途次遇賊並  
不向前抵禦輒匹馬潛行若使其身尚在卽當按  
律正法今旣被鄉勇謀殺除將伊恤典撤回外所  
有馬良柱子嗣永不准出仕食糧以示懲儆至外

委張廷貴雖曾抵禦賊匪旋即退回且所解弓箭  
全被搶失僅擬責懲革爲兵丁不足示儆張廷貴  
著革職重責四十板枷號一個月滿日發伊犁充  
當苦差至團首廖遠明當馬良柱單騎奔走時頂  
帽已經失落其行徑全不似職官且馬良柱與廖  
遠明並未交言疑賊有因又所殺本係應正法之  
犯勒保擬以絞候實屬過當廖遠明應量擬徒流

已足蔽辜矣

同日

上諭內閣曰前次殲淨張漢潮餘匪之滿漢出力官弁據額勒登保查明具奏除札克塔爾楊遇春穆克登布三員現因殲斃首逆楊開甲業經降旨一併交部從優議敘外其防禦顏沖阿屯守備卡登明二員著加恩賞戴花翎吉林中兵德祿著加恩

賞戴藍翎副都統桑吉斯塔爾格布舍侍衛色玉  
慎傳陞安福車森保福忠阿慶成愛星阿噶達飛  
捫欽保富廷色克通阿總兵德忠劉之仁副將豐  
紳張鳳喜明胡定泰劉瑞玉福叅將張明德楊芳  
游棟雲遊擊崔德恒張瑗都司朱廷舉李國棟守  
備羅英臻嘉驥羅光義千總柯春鰲劉元明把總  
余步雲等三十四員俱著交部議敘以示鼓勵

同日

上命軍機大臣傳諭景熠秀林曰據額勒登保等奏稱連次官兵痛殲邪匪今又擊逆首楊開甲賊勢甚形窮蹙大功指日告竣惟從前派赴軍營之吉林黑龍江兵丁數年以來日在深山密林追剿實爲勞勩朕心深爲軫念自應酌派更換上年曾經諭令景熠於兵丁內挑選技藝嫻熟者一千名

將應得器械口糧等項照例妥爲備辦著即將此  
項兵丁覆加驗看分隊起程近據呼倫貝爾總管  
托爾托保奏請陛見朕已允所請該兵丁等起程  
卽著托爾托保帶領第一起前來其應用官員著  
景燿遴派勇往出力善能約束者沿途帶領並著  
秀林於吉林兵丁內挑選五百名仍遴派勇往出  
力善能約束之協領等數員分隊帶領起程毋稍

延緩

上又命軍機大臣傳諭胡季堂曰現在陝西等省各股竄匪節據經畧額勒登保等帶領官兵連次痛剿日就潰散大功指日告竣但搜捕餘匪尙資兵力因思軍營內原帶各兵日久疲乏有需挑換之處現在降旨調派黑龍江兵一千名吉林兵五百名前赴軍營應用所有經過地方自應妥爲貯備



俾行走不致滯滯著胡季堂卽飭令經過各州縣  
將應用一切車輛馬匹等項循照向例先期籌備  
毋致臨時周章並探明該征兵等將次入關時卽  
遴派明幹大員馳往照料沿途小心護送毋令滋  
事

欽定剿平三省邪匪方略正編卷一百八十五

庚申年

六月十二日

亥

吳熊光奏言

臣

查豫省上年預

備東三省兵丁赴楚陝協剿購備馬匹嗣因黑

龍江兵丁停止所餘之馬分撥南陽陝州及河

南府屬喂養應用今楚北急需馬匹

臣

卽飛飭

南陽府挑選健壯者二百匹就近交臬司完顏

岱覆加挑驗委解湖北襄陽府交收由該府轉

解明亮等軍營以資追捕之用再臣前接額勒

登保來信以陝省賊蹤飄忽馬隊剿捕最爲得

力現在馬匹因日久不免疲乏臣思陝省目下

辦理軍需恐不及籌添馬匹現深陝省各股賊

匪均由洋縣盤屋一帶西竄距豫漸遠臣卽飭

令陝州挑馬三百匹一律騰壯斷不可以疲瘦

者充數一面造冊交委員覆驗分起解赴商州

交收轉解經畧軍營應用又查豫省本年春夏  
支用軍餉等項曾經奏明暫於新徵各錢糧內  
通融籌撥支放是以前項餉銀解到後尙未動

支臣已飛飭藩司馬慧裕於解到五十萬兩內

撥銀十萬兩委解楚北以二十萬兩委解川省  
俾資接濟至地丁錢糧如兵餉河工等項俱有  
正用亦必須歸款約計以二十萬兩留豫撥還

從前通融各款及應付直隸山東山西兵丁之  
用自屬有盈無絀但陝楚軍務未竣西南兩路  
仍當照舊防堵亦不得不畧爲寬備

臣

已札飭

藩司查明應用若干開單送核續行具奏亦諄  
囑該司將留豫銀兩加意撙節苟可無需切勿  
動支斷不使絲毫浮濫目下陝匪距豫邊雖遠

臣

仍諄札田永稱常林等照舊嚴防其楚北賊

匪近據探報又有由南漳西竄之勢已疊經札飭完顏岱等小心嚴防不可以目下江水已長遽存大意奏入

上命軍機大臣傳諭吳熊光曰豫省馬匹該撫旣挑二百匹解往襄陽又因經畧軍營需用復挑馬三百匹解赴商州其存貯帑銀五十萬兩尙未動用該撫奉到諭旨卽分別解往湖北四川俾資接濟

所辦甚屬可嘉吳熊光自擢任豫撫以來督率地方文武實力堵禦從未令賊竄入本境而此次又不能不分畛域將馬匹銀餉分解各處惟知以軍務爲重深得封疆大臣之體俟大功告竣後自當予以優敘又據稱楚北賊匪有由南漳西竄之勢此事尙未據明亮等奏及吳熊光總須督飭完顏岱等加意防範不可恃有一江之隔水勢盛漲稍存

大意也至豫省所餘餉銀二十萬兩惟當支應軍  
需斷不可留爲地方公用現在又調吉林黑龍江  
兵一千五百名俟到京後或往四川或往陝楚軍  
營臨時再行酌定但總須經由河南地方茲先行  
諭知吳熊光領爲妥辦卽可於所存帑項內動用  
諒能樽節妥辦也

十三日

甲子

德楞泰奏言竊

臣

於前次拜摺後移



師前進二十六日行抵楠柏山接據通江縣徐  
廷鈺稟報該縣屯聚賊匪竄入南江界內隨又  
接據南江縣裴良駿稟報再添土王土虎等股  
賊匪連營數十里到處攻圍碉寨勢甚鴟張並  
將該縣住紮之李家寨一並被圍等語當卽兼  
程冒雨前進二十七日趕抵巴南交界之兩河  
口探報賊匪現屯長池壩該逆分股於李家寨

裕成寨羅台寨元山寨各處攻撲

臣

帶兵六千

餘名若分往各處救援未免兵力俱單不能痛  
剿且陰雨連綿其首逆自不肯親身冒雨前往  
攻撲寨洞反得聞風兔脫莫若出其不意攻其  
不備先破長池壩巢穴則各圍不攻自解是夜  
四鼓帶兵進發二十八日黎明兵抵馬掌舖賊  
匪竟不知覺維時大雨如注烟霧迷漫當令寨

冲阿温春馬瑜侍衛富僧德協領穆騰額叅將  
李應貴等帶領馬步兵勇由大道直向包家嶺  
至長池壩左手而進令阿穆勒塔色爾滾許文  
謨侍衛阿納保等帶馬步兵由小路繞出沙河  
子至長池壩右手而進臣親帶侍衛達勒精阿  
慶昌珠爾杭阿總管遜多保等由中路直取長  
池賊巢賊因雨大俱聚於場上房屋我兵突入

賊衆紛紛潰亂丟棄鎗矛衣物當卽殺斃五百  
餘名生擒大小男婦袁天順張余氏等四百三  
十二名口餘賊捨命分股狂奔時圍寨各逆聞  
官兵已搗賊巢奔來救援臣督催馬步兵勇分

投剿殺追至白石巖又殺賊二百餘名生擒張  
大貴李呂氏等二百一十四名口該逆等奔走  
不及佔踞山包施放擗石往來衝壓數次我兵

仰攻驟難得手隨用大礮轟擊賊匪站立不住  
有騎馬賊目一名首先壓下被四川鄉勇蘇元  
林用矛戳死割取首級官兵乘勢競上又殺賊  
二百餘名賊又敗走吳家壩我兵奮力窮追有  
吉林領催委官成泰鎗擊騎馬賊日一名被甲  
兵永興擒回又各兵勇生擒匪犯一百三十五  
名沿途殄斃賊匪二百餘名渙散者不計其

數所獲牲畜極多當卽分賞出力兵勇奪獲大  
小旗幟一百二十四桿就近發交南江縣收貯  
其鎗矛器械賞給各寨首備用隨將所獲賊目  
研訊供稱名鮮中青與羅其清冉文儔同時起  
事係屬藍號拜冉添元爲父他做元帥復封我  
爲總兵領兵打仗今年三月間在川西壩地方  
官兵殺斃冉添恒擒拏冉添元伊弟冉添士掛

帥因年輕不能管事李斌王士虎龐士榮與我  
共四總兵商量辦事不想李斌又被拏獲官兵  
追趕甚緊大家商量逃過嘉陵江到通江毛峪  
鎮遇見黃號樊人傑又將王士虎與我封爲元  
帥同在一起因無處覓食分作兩股各處攻圍  
寨礮我同冉添士龐士榮白號張金蓮賴掌櫃  
齊國謨走一路王士虎只帶一千餘人另做一

殷原想到江邊，覩伺若官兵防守得緊，就由廣元寧差到陝西去聽見官兵，又已追來，纔與王士虎合營。我已被拏，不知伊等下落。隨將蘇元林割來賊目首級，令其識認。據供係賴元帥是白號營裏賴掌櫃，屬實。復令各匪犯難民將獲犯遍加指認，內有白號大旗首周才倫、探馬頭趙大成、甘品玉等三名，訊據周才倫供稱此首



級是白號賴元帥係襄陽人人都稱賴掌櫃白  
號原是張金魁爲首賴掌櫃亦係張漢潮徒弟  
嘉慶二年分營在陝西甘肅日久去年到四川  
與王三槐徒弟符曰明合夥數月十一月在通  
江空木河平河打仗張金魁被殺我等逃到廣  
元野人村官兵又擒住符曰明殺傷二千餘人  
餘衆躲在山裏游奕前在通江遇見藍號冉添

土王土虎等纔合夥要過江去今白號被殺不  
過剩有數百人藍號元帥冉添士王士虎鮮中  
青我都認得我營裏還有齊國謨一股亦有六  
七百人等語訊據趙大成甘品玉供詞相同互  
相指認均皆確實隨將鮮中青周才倫趙大成  
甘品玉等四名齣割處死匪犯袁添順等三百  
四十三名概行正法其難民孫登榜高黎氏等

四百三十五名口照例撫卹查張金魁一犯從前與楊開甲等在陝甘滋擾竄入川境去冬十一月內臣於通江空木河平河將該逆及張添倫等股賊衆大加痛殲被時獲犯有稱張金魁自行逃生者又有稱該逆已被殺死者因遍查首級未獲是以未敢入

臣據周才倫等所供張金魁被殺情形確鑿無疑

至張子聰等一股不過數百人現竄太平一帶  
已飛飭叅將楊秀龍帶兵剿辦樊人傑一股亦  
在太平山內遊奕其鮮大川苟文明合爲一股  
近探又復折入通江臣前已知照王文雄額勒  
亨額於沿江一帶預爲防範再添土王土虎張  
金蓮齊國謨合爲一股昨由木門場九龍場一  
帶前奔惟有鼓勵兵勇趕緊追剿以冀掃除再

歷次釋放難民人數頗多節經嚴飭各州縣查  
有產業者給還原產其無產業者卽妥爲安置  
總不許令其失所並令隨時報查再頃據總兵  
李紹祖稟報二十二日在梁山劉家溝與賊匪  
劉潮選打仗殺賊六七十名拏獲活賊三十七  
名乘勝追剿前進不料雨霧迷漫路旁樹林內  
有賊匪突出衝入隊內互相殺傷陣亡千把等

官數員兵勇數十名衝散未回兵勇數十名容  
俟查明另行具報等因臣當卽札飭該鎮務宜  
持以鎮靜不可稍形慌亂仍當鼓勵士卒詳探  
賊情相機剿辦奏入

上命軍機大臣傳諭德楞額奏曰此次德楞額督率官  
兵觸冒暑雨分路進擊賊擒偽元帥偽總兵等殺  
賊一千二百餘名所辦甚好德楞額及帶兵出力

之副都統賽冲阿温春副都統銜阿穆勒塔色爾  
滾總兵馬瑜許文謨俱著交部議敘其摺內列名  
之侍衛富偁德等及協領總管叅將遊擊各員並  
此外出力員弁俱著德楞泰一併查明保奏候朕  
加恩四川鄉勇蘇元林戳死騎馬賊目割取首級  
吉林領催委官成泰鎗擊騎馬賊目甲兵永興卽  
行活捉到營均爲奮勇亦著德楞泰將如何獎賞

之處酌量奏請再降恩旨今又於內貯備賞項下  
發去一兩重銀鏤一百五十個五錢重銀鏤三百  
個交德楞泰分賞出力官弁兵丁等俾其益加鼓  
勵前據德楞泰奏川東川北共有賊十二股今經  
此番剿殺後該處竄擾賊衆究竟尙有幾股各股  
爲數若干旣據稱連營數十里其賊股多少大概  
情形無難約畧而計著德楞泰卽行查明具奏昨



已降旨於黑龍江調兵一千名吉林調兵五百名  
前赴軍營協剿屆期應察看何處緊要再行撥赴  
何路此時德楞額不妨揚言續調吉林索倫官兵  
數千來川協剿更足以寒賊膽而壯士氣並著德  
楞額傳知各營廣爲曉諭以賊衆業經潰敗大兵  
所到其脅從夥黨勢必盡就駢誅此時當及早悔  
悟相率投誠即可得有生路令賊夥聞之各行解

散於剿捕自更得力再總兵李紹祖在梁山劉家溝追剿劉朝選一股賊匪因遇雨霧被賊衝出陣亡千把等官數員兵勇數十名並衝散未回兵勇數十名自屬小有失利著德楞泰查明李紹祖如何誤中賊計陣亡官弁兵丁各有若干據實具奏李紹祖所帶兵勇本爲單弱德楞泰應酌派官兵接濟免致挫折

同日

上命軍機大臣傳諭勒保曰昨據吳熊光奏前次撥給豫省餉銀五十萬兩尙未支動現已將二十萬兩委解川省以資接濟等語川省軍需前於閏四月內會撥部庫銀四十萬兩發往該省自可依期解到今又經吳熊光撥銀二十萬兩共計已有六十萬之數昨托津奏報起程摺內稱局內未經用

去之銀交代接手之員雖未報明存留銀兩數目  
約計亦必有一二十萬存留之項是合之前後兩  
次解去餉銀當有七八十萬現據德楞泰奏到伊  
所帶兵丁共有六千餘名以七八十萬餉銀供支  
六千餘名兵丁自屬寬裕着勒保卽通盤籌算如  
此項餉銀足敷本年之用則前此津貼之說自可  
暫行停止川西川南等處雖向稱繁庶然自嘉陵

江潼河附近各州縣被賊焚掠之後地方情形迥  
不如前朕方切軫念且聞該省百姓於團勇堵禦  
之事尙屬急公能知大義若再以津貼應用取給  
於民益覺於心不忍况地方州縣辦理不善或任  
胥吏從中需索別滋弊端尤屬不成事體勒保務  
須斟酌情形妥爲籌核據實具奏

十六日

丁卯

額勒登保奏言竊

臣

前督兵痛剿楊

諸甲等股賊匪維時張添倫辛聰宋麻子顏勝  
可魏棒棒等股分路從西北奔逃尙有陳傑周  
姓之賊向四畝地一帶東竄當令札克塔爾揚  
遇春穆克登布等帶兵趕往兜剿臣暫駐茅坪

嗣探得張添倫辛聰各匪從二郎壩西竄老山  
遂派令總兵九十副將游棟雲等帶領兵勇緊

追臣恐該匪等從棧道奪路而出卽帶領岱森

保慶成等取道洋縣南鄭褒城等處趕來迎截  
途次據長春稟報二十七日賊匪攻撲五里坡  
營卡該鎮率同遊擊伊星阿都司張誌奮力擊  
斃三十餘名賊匪奔散夜半賊匪復喊聲四起  
該鎮督率弁兵施放鎗礮四更賊勢攻撲愈緊  
有滴水巖防堵官弁帶兵二百名趕來策應賊  
始退走迤西翻山奔沙子嶺一帶有窟滴水巖

之勢又探報冉學勝張世龍一股賊匪從峪口  
繞由唐藏一帶竄赴徽縣地界而伍金柱一股  
賊匪人數較衆從峪口跟蹤竄出臣刻已行次

鳳縣之高橋鋪查前此竄出之戴家營一股賊  
匪經索費英阿跟追已至甘省秦州境內先後  
接據廣厚阿哈保百祥等報稱高二馬五之賊  
亦由岷州一帶竄近秦州該副都統等帶領兵



勇三千二百餘名追躡已於秦州地界與索費

英阿會合

臣

檄飭各該員無分彼此協力上緊

剿辦其冉學勝張世龍伍金柱等股之賊長麟

等已帶領觀祥富成及各將備等馬步兵丁四

千餘名尾追前進

臣

咨明長麟當以由北顧西

爲重此時札克塔爾楊遇春穆克登布等尙在

南山搜捕東去之賊如能卽時掃蕩固屬甚善

否則該匪等亦必竄入棧道楊遇春等一入棧

道

臣

卽當飭令帶兵先入甘省盡力趕剿又川

東川北之賊經德楞泰知會大半已逼入川北

恐又竄入陝境且據報竄匪已有竄至西鄉者

業派王文雄帶兵於南鄭西鄉一帶加意防剿

但查此等竄甘之賊趨向靡定甘省地方瘠薄

該匪等斷不能在彼久住一經追剿餘匪又恐

折而入陝臣此時一面採賊剿辦一面於棧道  
及各要隘將應留大員及提鎮官兵等分佈安  
協庶可一悞不致再悞再近接江南提督定住  
來信已帶兵八百餘名由商州等處前來棧道  
俟其到來察看情形再行酌派剿賊奏入

上命軍機大臣傳諭額勒登保曰戴家營一股賊匪  
據稱已至甘省秦州境內而高二馬五二逆亦由

岷州一帶竄近秦州此二股賊匪早經朕計及必  
在甘境合夥今所奏情形果不出朕所料該處現  
有阿哈保百祥索費英阿廣厚等帶兵截擊合計  
有八九千名兵丁合之鄉勇已有一萬餘人足敷  
剿辦額勒登保斷不可輕率赴甘况據稱川東川  
北之賊接德楞泰知會大半已逼入川北恐又越  
竄陝境且已有竄至西鄉者若額勒登保帶兵入

甘則川省賊匪乘虛入陝豈長麟台布所能堵截  
不又如前此額勒登保由陝入甘將川省軍務委  
之魁倫以致川西完善之地遭賊蹂躪乎且甘省  
地方瘠薄賊匪斷不能在彼存住一經官兵追剿  
又恐折而入陝此時額勒登保總當在陝省適中  
之地扼要駐紮督率調度相機剿辦至提督定住  
已帶兵八百名由高州等處前來棧道額勒登保

正可令其馳赴甘境與阿哈保百祥廣厚等併力  
剿辦初當趁戴家營高二馬五屯聚一處之時悉  
數殲除至楊遇春等所辦東竄之賊若猶未搜捕  
淨盡自不應前赴甘省倘賊已奔入棧道業經剿  
盡或飭令楊遇春帶兵先入甘省或仍留陝境總  
在額勒登保隨時相機籌辦朕亦不爲遙制其冉  
學勝張世龍一股從峪口繞由唐藏一帶竄赴徽

縣地方而伍金柱大股賊匪亦跟蹤從峪口竄出  
此則長麟台布之罪已另降旨嚴飭矣仍着額勒  
登保查明各峪口係何人防守如何堵剿不力情  
形分別嚴叅治罪

上又命軍機大臣傳諭長麟台布曰此次伍金柱及  
冉學勝張世龍等賊匪俱從峪口竄出該處防守  
卡隘各員並未能認真堵禦遊其奔竄之路是長

麟台布前奏所稱分股防堵者突屬何事至南山  
一帶爲賊匪逋逃之藪經朕節次降旨諭以賊匪  
已入山內不可令其竄出賊匪若已出山卽不可  
復令其竄入並令於要隘路口挖掘溝濠阻賊去  
路乃長麟台布並不遵照辦理任賊出入自如伊  
二人既不能帶兵殺賊又不能督率地方官團勇  
禦賊至此等挖掘溝濠之事有何難辦亦竟全不



留心布置何以勝封圻重寄長麟台布著傳旨嚴  
行申飭長麟帶領官兵務當遵照額勒登保知會  
由北顧西奮力截剿不可再有踈懈至賊匪已先  
後竄出南山現經額勒登保分籌剿辦長麟台布  
若再不趁此將各峪口出入之路擇其要隘創挖  
溝濠預爲嚴堵仍任賊匪竄回入山及轉運糧餉  
或有貽慢之處必將伊二人照魁倫例從重治罪

決不寬貸。

同日江南提督定住奏言竊臣接到長麟札知

戴家營賊匪於前月十八日從陳倉滿兩河口

竄出關入徽縣油籠川二十四五等日竄至秦

州鄭旗寨刻下在川西北沿河地方紮營而川

西竄來高家營之賊前月十五日亦由番地竄

入岷州寧遠刻下亦踵至鄭旗寨兩股似有會

合之勢且恐由隴州北窺回陝索費英河現駐

秦州相機剿令臣取道隴州較爲便捷臣卽

由鳳翔府隴州取道前往相機迎頭剿捕若無

賊匪蹤跡再赴徽兩二縣查徽兩原係秦州所

屬索費英河現駐秦州理合赴彼會兵剿捕尙

可得勢臣惟有竭力辦賊不敢稍存懈忽奏入

上命軍機大臣傳諭定住口戴家營賊匪竄至秦州

其高二馬五一股亦由番地竄入岷州寧遠境內  
兩股似有會合之勢定住目應帶兵速赴徽縣兩  
當相機剿辦但伊係江南提督所帶又係直隸兵  
丁於甘省情形未能熟悉且兵數僅止八百又素  
非勁旅該處路徑紛歧賊情詭詐定住到彼沿途  
應細詢賊匪蹤跡並探明阿哈保百祥廣厚等帶  
兵處所不拘何路較近卽前往會合總須詳悉道

里及賊匪出沒情形以便設法抄截斷不可欲急於見功自爲一路徑行前進伊帶兵素有節制尤當於勇往之中持以慎重以期所向克捷也

十七日

戊辰

台布奏言查由川竄至紫陽之烟墩

岬一股賊匪闖入西鄉縣境其時提督王文雄正因楊張等逆欲渡漢江帶兵攔截未能兼顧嗣額勒登保緊躡楊張等逆追至茅坪地方城

洋一帶可以無虞王文雄兵力已經騰出當卽  
飛咨該提督星往西鄉策應該提督於初三日  
由堰口司上一路迎擊賊匪退至節草塢分屯  
口泉大祥塢等處盡係高山深箐陡險異常且  
又四通五達乘夜出沒焚掠該提督密派能事  
義勇分投躡探路徑明確初五日酉刻將所帶  
兵勇分作三路一由柳樹埡抄口泉進擊一由

史家埡抄茨竹溝繞東首大梁進擊該提督自帶都司高懋並兵勇數百名會同署西鄉令知州宋昌瑋及六品銜董雲錦練勇李宗武等由官溝翻官竹埡前進各路官弁兵勇越澗翻山趨行一夜於初六日寅刻三路齊抵賊卡內官溝埡壁立聳峙賊匪早經堆貯木石准備抗拒都司楊光時守備王開吉孫佑把總蔣奉書分

帶官兵約同知州宋昌琇督率鄉勇穿林破箐  
乘黑攀援暗上該匪等均在酣睡猝不及防蔣  
奉書及鄉勇首陳永書等身先衝殺楊光時王  
開吉等鎗礮齊發王文雄親督兵勇從下仰攻  
立破賊卡斃賊百數十名餘匪拚命奔赴大祥  
壩蔣奉書陳永書倍加勇往復身先攻撲大祥  
壩各兵勇見伊二人奮身不顧齊心跟蹶王文



雄在後督催並進施放連環鎗礮該匪厚集賊  
衆列隊迎撲副將鮑貴都司哈國瓏鄒飛龍義  
首楊謨任得勝等帶領兵勇由東首山梁儘力  
下壓都司景坤守備林柱馮貞首領伍敏等復  
由西首抄截將大祥壩節草壩兩處賊營同時  
擊破斃賊四百數十名擒獲活賊馬振川李士  
元陳登武吳朝文等男婦一百二十五名滾崖

跌死者約有三百數十人逃出被裹民人李彬  
周道敏胡思文等男婦九十七名口自寅至午  
追殺三十餘里該匪四散由乾溝河折向東南  
奔竄訊明獲賊馬振川等四十七名從賊已久  
盡行正法被脅之李士元等男婦五十一名口  
自有家產分別賞遣歸業並訊出此股賊首係  
唐大信張禿子蕭掌櫃因在川省太平地方日

久無糧可掠商議到西鄉過伏與龍紹周合營  
要往漢陰五郎今被官兵合擊唐大信與小賊  
易換衣服向東逃走有一總兵王溢已被官兵  
殺斃等語當押賊目蕭士貴前至賊軀內找尋  
王溢屍首梟取號令將蕭士貴一併正法訖該  
提督仍掣回司上暫紮探明賊蹤再行追剿其  
打仗傷亡兵勇僅止數名另行咨部辦理至陝

省各股賊匪分路狂竄有尙在棧東游奕者有

已經過棧竄至兩當秦州一帶者長麟業已帶

兵由大小三岔往西追剿額勒登保亦由城洋

入棧大兵繼進因西鄉現有賊匪而四川各股

被德楞泰追剿窮蹙由蒼溪廣元北竄距寧羌

南鄭邊界已近漢中平原毫無兵備與

臣面商

囑臣駐紮布置多貯糧石現在北棧稟留鳳寶

南棧沔縣畧陽及平地城洋南鄭等廳均經廣  
貯米糧無論官兵行至何處總可就近接濟斷  
不至如山內之道路崎嶇以致跟運不及也奏

人

上命軍機大臣傳諭台布曰此次官兵痛剿西鄉竄  
匪殲斃賊目多名閱所奏打仗佈置情形皆係王  
文雄一人之功台布不過據報轉奏與伊毫無干

涉至所稱現在北棧褒留鳳寶南棧沔縣畧陽及  
城洋南鄭等廳縣均經廣貯米糧無論官兵行至  
何處總可就近接濟等語前因賊匪竄渡黑河軍  
營糧餉又復缺乏將台布革去翎頂特因該撫南  
悉陝省情形加恩留任此正予以自新之路台布  
惟當感激愧奮冀曠前愆於防守糧運諸事悉心  
籌辦並就近幫同王文雄將川北竄匪力加堵截

如任賊匪再竄至陝境該撫不能辭罪矣

上又命軍機大臣傳諭王文雄曰川省竄匪由紫陽  
闌入西鄉經額勒登保知會王文雄帶兵前往策  
應該提督分路進擊乘賊匪酣睡猝不及防之時  
攻破賊卡斃賊數百名賊匪由乾溝河折向東南  
奔竄所辦深爲可嘉王文雄著交部議敘該提督  
當倍加感奮趕緊剿辦所有西鄉一帶剿堵事務

卽專交王文雄辦理若能使川北賊匪不敢乘間  
闖入將來尙可邀恩王文雄現任提督本有奏事  
之責此後得有勝仗如距經畧軍營不遠自可報  
明額勒登保具奏倘自爲一路相距經畧較遠當  
卽自行陳奏不必轉咨台布也至陝省地方官員  
從無協助官兵剿賊之事今署西鄉令知州宋昌  
琿竟能率領兵勇越澗翻山前抵賊卡協同進擊



尚爲奮勉着王文雄查明該員平日堵禦賊匪是  
否認真在任官聲如何如果禦賊出力官聲素好  
而長麟台布尙未之知卽行據實保奏候朕加恩  
其身先衝殺賊匪之把總蔣奉書著卽以千總拔  
補鄉勇陳永書着王文雄查明如有頂戴卽賞給  
藍翎若無頂戴卽賞給八品頂戴用示鼓勵副將  
鮑貴都司景坤及此外打仗出力員弁仍着王文

雄據實查明俟奏到再降恩旨